



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ-32/23

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«15» Օգոստոսի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ս. Հակոբյանի կողմից 20.07.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրքը) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Սիրուսի Կիրակոսյանի կողմից Երևան քաղաքի Արաբկիր 19-րդ փողոցի հ. 24 հասցեում բազմաբնակարան բնակելի շենքի կառուցման համար նախատեսված շինարարական հրապարակը պատշաճ կազմակերպված չի եղել, մասնավորապես՝ բացակայել է մեքենաների լվացման կետը, որի վերաբերյալ 20.07.2023 թվականին կազմվել է վարչական իրավախախտման վերաբերյալ թիվ Ա-003317 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 15.08.2023 թվականին գործի քննությանը ներկայացավ կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Սիրուսի Կիրակոսյանը (նույնականացման քարտ 010802270 տրված 08.07.2019 թվականի 001-ի կողմից): Վերջինս վարչական մարմնին բացատրություն տվեց այն մասին, որ ընդունում է իրավախախտումը: Իր նկատմամբ երկրորդ անգամ է քննվում վարչական պատասխանատվության ենթարկելու հարց:

Կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Սիրուսի Կիրակոսյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 23.12.2022 թվականի հ. 01/18-Դ-107200-2413 շինարարության թույլտվությունը, շինարարական հրապարակի կազմակերպման սխեման, ընկերության պետական գրանցման վերաբերյալ տեղեկատվությունը և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ 20.07.2023 թվականին կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Սիրուսի Կիրակոսյանի կողմից Երևան քաղաքի Արաբկիր 19-րդ փողոցի հ. 24 հասցեում բազմաբնակարան բնակելի շենքի կառուցման համար նախատեսված շինարարական հրապարակը պատշաճ կազմակերպված չի եղել, մասնավորապես՝ բացակայել է բեռնատար մեքենաների ելքը դեպի փողոց մաքուր անվաղողերով ապահովելու համար դրանց լվացումը, ինչը բերել է շինարարական հրապարակից դուրս ընդհանուր տարածքների և շինարարական հրապարակի մուտքին հարող տարածքի աղտոտման: Կառուցապատող «Տնակ Շին» սահմանափակ

Երևան քաղաքի ավագանու 16.03.2012թ. N 405-Ն որոշմամբ հաստատված կարգով սահմանված պայմանները:

Կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Միրուսի Կիրակոսյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով, կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Միրուսի Կիրակոսյանի կողմից տրված բացատրությունները և այն հանգամանքը, որ «Վարչական տույժ նշանակելու մասին» 02.05.2023 թվականի N Վ-17/42 որոշմամբ տուգանք նշանակվելուց հետո իրավախախտման հետևանքները չեն վերացվել, ինչից հետևում է, որ իրավախախտումը կրել է շարունակական բնույթ, որով նաև դրսևորվել է հակաիրավական վարքագիծ, ինչպես նաև հետազոտելով գործում առկա բոլոր նյութերը վարչական մարմինը գտնում է, որ տվյալ դեպքում առկա է Օրենսգրքի 34-րդ հոդվածի 1-ին և 2-րդ կետերով նախատեսված վարչական իրավախախտման համար պատասխանատվությունը ծանրացնող հանգամանքները:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 157.15-րդ հոդվածի 3-րդ մասով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Կառուցապատող «Տնակ Շին» սահմանափակ պատասխանատվությամբ ընկերության տնօրեն Դեյվիդ Միրուսի Կիրակոսյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ